



Бодалгаларны боданар

Кызыл-Бөртчүгөш деп уруг кырган-авазынче чорупкан.

Авазы ооң корзиназынга амданныг пирожкилер суп берген: үжү эъттиг, ийизи согуналыг, а бежи капуста-лыг болган.

Шылай бергеш, хөлөгелиг сериин черге, хөлестенип, дыштанган-даа

Уруг боду ийизин чипкеш, база

бирни күскежикке бериптерге,

Кырган-авазынга арткан пирожки-лерни санаптыңар, уруглар!

Соодуп каан, Колобок-даа

Соңгазындан чуглуп баткан.

Ол-ла чуглуп чоруп оргаш,

Эштер база дилеп чораан.

Адыг, бөрү, койгун, сыын,

Чараа-чечен, ала-сааскан,

Ажок ырлаар Айлаң-кушкаш

Эштери бо, санаптыңар, уруглар.

Колобокту мегелепкеш,

Кажар дилги чиир деп барган.

Дуза кадып Колобокка,

Чеже эжи чедип кээрил?

Өөреникчиге чагыг

Эртен эрте туруп өөрөн

Эртежи бол, биргиклассчы.

Озалдаары чараш эвес

Ону база кичээнип ал.

Школага чурумнуг бол

Улугларны хүндүлөп чор

Амыр-мендин утпайн чору

Ада-иең хүндүлөп чор.

Парта дээрге орун эвес

Аңаа база чыдып болбас

Кичээлдерге томаанныг бол

Кичээнгеийң ынаар угла

Элдек чараш аажы-чаңга

Эжиң-өөрүң үнелөп чор.

Эдиң-севиң камнап чору,

Эжиң-өөрүң үнелөп чор.

Тенек, чассыг аажы-чаңдан

Дегийт дүрген адырлып ал.



ФЕДЕРАЛДЫГ ТӨЛӨВИЛӨЛ ДЕР «ЧАШ АЖЫ-ТӨЛДҮГ ӨГ-БҮЛӨЛӨРГӨ ДЕТКИМЧЕ»,
«АМГЫ ҮЕНИҢ ШКОЛАЗЫ»



Тыва Республиканың Чөөн-Хемчик кожууннунң Чадаана хоорайның школа назыны четпээн уругларның муниципалдыг автономнуг өөредилге албан чери «Хээлер» уруглар сады

АДА-ИЕНИҢ СҮМЕ АЛЫР ТӨВҮ

“Амыдыралдың
Чөлээжи”



Үндүрүлгө 48

СЕНТЯБРЬ 1- БИЛИГЛЕР ХҮНҮ

Белеткел бөлүүнүң ада-иезинге сүмелер

Үндүрүлгениң тургузукчузу:

Монгуш Сырга Идамовна, белеткел бөлүктүң

кижизидикчи башкызы



Сумкамны чүктөпкөш,
школамче базыптым.
Салгынчыгаш чаптап,
Чаагымны суйбады.
Сентябрь бир байырлалы
сагыжымдан ыравады
Согун ышкаш чыскаалга
сургуул болуп кирдим.



Школаже алып херекселдерниң
адаан өңнуг карандаш-биле
өңнеңер.

Школаже чоруур дээштиң,
Балааш биле бийир база,
Шуптузун мен, чыып алдым:
Чаа-чылда кедер хевим,
Өңнүг-саазын карандаштар,
Пенал биле карандажым,
Ойнаар-кысты, койгунакты,
Бичии адым, күскежиимни,
Боду халыыр чычаанымны,
Картон саазын, кроссовкамны,
Демир-үжүк, карандашты,
Кады халыыр, бөмбүүм кайыл?
«Тенек-оол» деп ойнааракты
Канчап билир, суп аар чоор бе?



Тывызыктарны тывыңар:

Коданы ак, хою кара (ном)
Хевим ыяш, өзээм янзы-бүрү
(карандаш)

Уругларның эң-не ынак
Школаже чүктээр эди. (портфель)
Мени көөрге дыка дорт мен.
Шыйыг шыяр херексел мен. (шугум)
А мен дээрге кайгамчыктыг
Балаар, аштаар ажылдыг мен. (балааш)
Мээң-биле чугаалашкаш,
Ажып, көрүп сонуургааш,
Угааныглар оон үнер
Таныңарам, уруглар,
чүү-дүр ол? (ном)

Ак-ак арыннарлыг,
Арыннарын шыйып каан.
Дорт шыйыг, хана-карак
Аңаа бистер бижиир бис (кыдырааш).
Кыдыраашка, саазыңга
Саннар болгаш үжүктерни
Угулза дег үндүр бижиир
Чүү деп ыңдыг херексел-дир,
Чугааланар, уруглар! (демир-үжүк)



Сентябрь 1 чедип келди
Бирги номум база бо-дур.
Бирги кичээл эгеледи
Коңга база бирги болду!

Өөрөдилге херекселин
Шуптузун меңээ садып берди.
Авам-биле бистер ийи,
Чараш хепти утпадывыс!